

Morning Dogri (NSD) National News Bulletin 09-04-2024

आकाशवाणी

- भारती जनता पार्टी दे वरिष्ठ नेता ते प्रधानमंत्री नरेन्द्र मोदी होरें आक्खेआ ऐ जे एनडीए सरकार दी दी कोशशें करियै नक्सलवाद ना शड़ा महाराष्ट्र थमां पूरे मुल्खै च कमजोर होआ ऐ।
- भारती जनता पार्टी दे वरिष्ठ नेता ते प्रधानमंत्री नरेन्द्र मोदी होर अज्जै थमां तमिलनाडू दे दो रोजा दौरै पर जा करदे न।
- प्रवर्तन निदेशालय नै शराब नीति मामले च दिल्ली दे मुखमंत्री अरविंद केजरीवाल हुंदे नीजि सहायक ते आप विधायक दुगेश पाठक थमां पुच्छ-गिच्छ कीती ऐ।
- राष्ट्रपति द्रौपदी मुर्मू, उपराष्ट्रपति जगदीन धनखड़ होरें चैत्र शुक्ल उगाड़ी, गुड़ी पड़वाह, चेती चंद, नवरेह ते साजीवो चिरवाह दे देशवासिएं गी मुबारकबाद दिक्ती ऐ।
- बैउमिंटन एशिया चैंपियनशिप दा 2024 अला संस्करण अज्जै थमां चीन दे निगवो थाहर शुरू होआ करदा ऐ।

<><><><><><>

PM

भारती जनता पार्टी दे वरिष्ठ नेता ते प्रधानमंत्री नरेन्द्र मोदी होरें आक्खेआ ऐ जे एनडीए सरकार दी दी कोशशें करियै नक्सलवाद ना शड़ा महाराष्ट्र थमां सगुआं पूरे मुल्ख च कमजोर होआ ऐ। कल महाराष्ट्र दी चन्द्रपुर थाहर मोरवा हवाई अड्डे मैदान च चन्द्रपुर ते गड़चरौली लोक सभा चुनां हल्के दे मेदवार दे हक्कै च आयोजत जन रैलिएं गी संबोधत करदे होई आक्खी। श्री मोदी होरें आक्खेआ जे गड़चरौली जेहड़ा नक्सलवाद करियै जानेआ जंदा हा हुन ओ स्टील उद्योग ते विकास करियै जानेआ जंदा ऐ। समाज दे वंचित लोकें गी उबड़ा चुक्कने लेई कीते जा करदे कम्में बारे बोलदे होई उनें आक्खेआ जे 80 करोड़ लोकें गी मुफ्त राशन थोआ करदा ऐ ते 50 करोड़ लोकें गी 5 लक्ख तगर दे मुफ्त इलाज दी सुविधा हासल होआ करदी ऐ।

Rahul

वरिष्ठ कांग्रेस नेता राहुल गांधी होरें आदिवासी बहुल इलाके सिओनी ते शाहदाल च जनसभा गी संबोधत कीता। कांग्रेस दे घोषणा पत्र बारे गल्ल करदे होई उनें करसानें लेई कर्ज माफी एमएसपी गी लागू करने दी गारंटी महा लक्ष्मी योजना तैहत महिलाएं गी इक लक्ख रपे दी राशि ते युवाएं लेई सिखलाई दी गल्ल कीती। उनें आक्खेआ जे ओह् अग्निवीर योजना रद्द करी देंगन। उनें कंथ्टरेक्ट उप्पर नौकरिएं उप्पर रखने दी प्रणाली गी खत्म करने दा वायदा कीता। उनें ऐसी-ऐसी स्कालरशिप गी दुगना करने ते आदिवासी बहुल इलाके च 6में शङ्कूल गी लागू करने दी गल्ल आक्खी।

<><><><><><><><>

1625 Candidates

चुनां कमीशन नै आक्खेआ ऐ जे नामांकन थमां ना वापस परताने मगरा 102 संसदीय हल्के च लोकसभा चुनां दे पैहले गेड़ इक ज्हार 625 मेदवार हुन चुनां मैदान च न। इक ज्हार 625 मेदवारें चा इक ज्हार 491 मर्द ते इक सौ 34 महिला मेदवार न। पैहले गेड़ दे वोट इस म्हीने दी 19 तरीक गी पौने न।

<><><><><><><><>

TMC

तृणमूल कांग्रेस नै केन्द्र सरकार आस्सेआ कथित तौरा पर राष्ट्रीय जांच अजेंसी सनें केन्द्रीय अजेंसिएं दे गल्ल इस्तेमाल गी लेइयै चुनां आयोग कन्नै राबता साददेआ ऐ। इस मुद्दे पर पार्टी दे इक प्रतिनिधिमंडल ने नमीं दिल्ली च चुनां आयोग कन्नै मलाटी कीती। बैठक मगरा मीडिया कन्नै गल्लबात करदे होई पार्टी सांसद सागरिका घोष होरें आक्खेआ जे उनें लोकसभा चुनां थमां पैहले पच्छिम बंगाल दे कारकुनें गी डराने लेई एनआईए दे कथित तौरा दुरुपयोग दा मुद्दा पुट्टेआ ऐ। उनें चुनां सरबंधी निकाय गी दखल देन ते मतदान दी मर्यादा गी बनाए रखने दी बिनती कीती ऐ। टीएमसी दे नेता डेरेक ओब्रायन, डोला सेनी, साकेत गोखले ते होरने केन्द्र सरकार आस्सेआ एनआईए/सीबीआई ते ईडी दे कथित तौरा पर गल्ल इस्तेमाल दे दोष गी लेइयै नमीं दिल्ली च चुनां आयोग दे दफ्तर बाहरे विरोध प्रदर्शन कीता।

बाद च उनें गी दिल्ली पुलस नै उसलै हिरासतै च लेई लैताप जिसलै ओह आयोग दे दफतरै बाहर धरना देआ'रदे हे ।

<><><><><><>

ED

प्रवर्तन निदेशालय नै शराब नीति कन्नै जुड़े दे मनी लांझिंग मामले च दिल्ली दे मुख्यमंत्री अरविंद केजरीवाल हुंदे निजी सहायक ते आप विधायक दुगेश पाठक थमां पुच्छ-गिच्छ कीती ऐ । सूत्रे दस्सेआ जे उंदे ब्यान मनी लांझिंग रोकने आले कनून दे प्रवाधाने तैहत् दर्ज कीते गे न । श्री पाठक होरे 2021-22 च गोवा विधानसभा चुनाएं लेई "आप" आस्सेआ कीते गेदे मुहिम सरबंधे च पुच्छ-गिच्छ कीती गेई ही ।

<><><><><><>

President

राष्ट्रपति द्रौपदी मुर्मू, उपराष्ट्रपति जगदीन धनखड़ होरे चैत्र शुक्ल उगाड़ी, गुड़ी पड़वाह, चेती चंद, नवरेह ते साजीवो चिरवाह दे देशवासिं गी मुबारकबाद दित्ती ऐ । राष्ट्रपति मुर्मू होरे अपने सनेह च आकखेआ जे एह ध्यार बसंत ऋतु ते भारती नमें ब'रे दा सुआगत करने दे मौके न । राष्ट्रपति होरे आकखेआ जे ओह एह ध्यार देसा दे बक्ख-बक्ख हिस्से च मनाए जंदे न ते शांति, आपसी भाईचारे ते सीनशीलता दा सनेहा दिंदे न ।

<><><><><><>

Pakistan

पाकिस्तान च संसद दे उच्च सदन दी बैठक सदियै सिनेट चेयरमैन ते डिप्टी चेयरमैन गी चुनेआ जाग । नमें चुने गेदे सदस्ये लेई शपथ ग्रहण दा समारोह बी अज्ज होग । राष्ट्रपति सदन आस्सेआ कीती गेदी इक घोषणा मूजब पाकिस्तान दे राष्ट्रपति आसिफ अली जरदारी होरे अज्ज बउलै 9 बजे इस्लामाबाद दे संसद भवन च बैठक लेई सीनेट गी सददेआ ऐ ।

<><><><><><>

बैडमिंटन ऐशिया चैंपियनशिप दी 2024 आला संस्करण अज्ज चीन दे निगबो च शुरू होग। स्टार खडारी जिंदे च एच.एस.प्रणोय, किदम्बी श्रीकांत, लक्ष्य सेन, पी.वी.सिंधु ते होर खडारी शामिल न। भारती टुकड़ी दी अगुवाई करगंन। एच.एस.प्रणोय चीन दे लू गुआग-झो कन्नै मकाबला करगंन। जिसलै के किदम्बी रीकांत होर पैहले दौर च इंडोनेशिया दे एंथोनी कन्नै मकाबला करगंन। तोआई लक्ष्य सेन दा मकाबला पैहले दौर च शीर्ष वीरयता प्राप्त शी यू क्यूई कन्नै होग। इक होर भारती खडारी पियंश राजावल बी इस प्रतियोगिता च भारतीय मजूदगी च अपनी छाप छोड़गंन।

<><><><><><>